

INUIT ATAQATIGIIT

INATSISARTUNI



UPA 2024/Imm. 11
28.05.2024
Mikivsuk Thomassen

2023-mut Nunatta Karsiata naatsorsuutaasa akuerineqarnissaannik siunnersuut

(Aningaasaqarnermut Naligiissitaanermullu Naalakkersuisoq)

Naalakkersuisunut qujanaq Nunatta karsiata naatsorsuutaanut 2023-imoortunut.

Namminersorlutik Oqartussat kukkunersiusuat avataanersoq 2023-mut naatsorsuutinut nangaassuteqarani, erseqqissanani isornartorsiuilluniluunniit oqaaseqaateqarani atsiorpoq, tamanna Inuit Ataqtaigiiniit nuannaarutigaarput, qujassutigalugulu.

Nunatsinni Inatsisartut inatsisiliorlutik aalajangiinerisa kingunerisaanik sanaartorneq annertooq ingerlannanneqarpoq. Aningaasarsiornikkut inuaqatigiinni kaaviiartitat annertupput assigiinngitsunillu sunnuteqarlutik.

Saqqummiunneqartumi nunatta karsiata isertiai aningaasanut inatsimmi taassumaklu kingorna tapiussatigut aningaasaliissutinut isertitat 359 mio. koruuninit annertunerupput. Tamanna nassuaatigineqartoq paasivarput akileraarutit aamma toqqaannanngitsumik akileraarutit qaffasinnerusimasut.

Inuit Ataqatigiinni isumaqarpugut nunatta karsiata aningaasarsiorluaratigut isertitat aamma innuttaasunut isertitakinnerusunut akunnattumillu isertitaqartunut iluaqutaassasut.

Innutaaasut iseritakitsut akunnattumillu isertitaqartut isertitaqarluartullu akunnanni qunneq annertusiartussanngippat aningaasarsiornikkut siuartiartornissarput pisariaqarpoq.

Matumanilu nunatta kukkunersiusuat avataanersoq 2023-mut naatsorsuutinut nangaassuteqarani, erseqqissanani isornartorsiuilluniluunniit nalunaaruteqarnera pitsaasutut tiguarput, tamannali aamma isumaqartipparput akisussaaffimmik suli annertunerusumik inuaqatigiinni naligiinnginnerup annikillisarneqarnissaannik sulisariaqartugut.

Taammatut oqaaseqarluta aappassaaneerneqarnissat Kukkunersiuinermut ataatsimiitaliamut innersuupparput.